

Մ աշտոցի Արձագանգ

Հայաստանեայց Եկեղեցւոյ Սուրբ Յակոբ Կիրակնօրեայ Դպրոցի ամսաթերթ
WWW.SOURPHAGOP.ORG-ը 10 տարեկան

Այս թիւով.....

Յիսուսի Համբարձումը Էջ 2

Հոգեգալուստ՝ Պենտեկոստէ Էջ 2

Յունիս ամսուան բացատրական
տօնացոյց Էջ 3-5

Սուրբ Հոսիսիմէ
Սուրբ Գայիանէ
Էջմիածին
Սուրբ Մանէ
Սուրբ Նունէ

Ո՞րն է ճիշդ պատասխանը Էջ 3

«Մաշտոցի Արձագանգ»ի ներկայ եւ
նախկին թիւերու հասցէն Էջ 6

Սուրբ Յակոբ Կիրակնօրեայ Դպրոցի
Կամարը Խմբակը Էջ 6

Ամսուան Համարը

«Հետեւաբար, գացէք եւ բոլոր
ժողովուրդները ինձի աշակերտ
դարձուցէք: Զանոնք սկսեցէք Հօր,
Որդիին եւ Սուրբ Հոգիին անունով:
Անոնց սորվեցուցէք այն բոլոր
պատուիրանները որ ես ձեզի տուի, եւ
ահա ես ձեզի հետ պիտի ըլլամ, մինչեւ
աշխարհիս վախճանը»:

Մատթէոս 28.19-20

Յունիս 2011 (ԺԸ տարի թիւ 10)



Հ... Համբարձում
Հոգեգալուստ

Խաչքարի Հեղինակ՝
Ժողովրդական Վարպետ
Ռուբեն Նալբանդյան

Հաւատք

Կրօն

Եկեղեցի

Լեզու

Մշակոյթ

Յիսուսի Համբարձումը

Համբարձում կը նշանակէ «բարձրացում»: Համբարձումը Յիսուսի յարութիւն առած ու փառաւորուած մարմնով երկինք բարձրանալու եւ Հայր Աստուծոյ աջ կողմը նստելու յիշատակումին տօնն է, որ տեղի կ'ունենայ միշտ Հինգշաբթի օր, Յարութեան 40-րդ օրը:

Յարութենէն ետք, Յիսուս իր աշակերտներուն երեւնալէ ետք, 40-րդ օրը իր աշակերտներուն հետ Չիթենեաց լեռ բարձրացաւ ուր յայտնեց իր աշակերտներուն. «Երբ Սուրբ Հոգին իջնէ ձեր վրայ, զօրութեամբ պիտի լեցուիք ու իմ վկաներս պիտի ըլլաք, Երուսաղէմի, Հրէաստանի, եւ Սամարիայի մէջ մինչեւ աշխարհի ծայրամասերը»: Երբ Ան արտասանեց այս խօսքերը, Յիսուս երկինք բարձրացաւ մինչեւ որ ամպերը ծածկեցին զինք աշակերտներուն տեսողութենէն: Այս պատուիրանին համաձայնԹաղէոս ու Բարթողոմէոս Առաքեալները Հայաստան եկան հիմը դնելու Հայաստանեայց Առաքելական Սուրբ Եկեղեցոյ:



Հոգեգալուստ՝ Պենտէկոստէ (50)

Հոգեգալուստը տեղի ունեցաւ Համբարձումէն 10 օրեր ետք եկող Կիրակի օրը: Ըստ Համբարձեալ Յիսուսի խոստումին, Սուրբ Հոգին հրեղէն լեզուներու պէս հանգչեցաւ Առաքեալներուն վրայ, որոնք զօրութեամբ լեցուեցան եւ տարբեր լեզուներ խօսելու կարողութիւնը ունեցան: Այդ պատճառով կրցան Քրիստոսի Աւետարանը քարոզել Աշխարհի տարբեր երկրներէն ժամանած հրեաներուն, որոնք եկեր էին Պենտէկոստէ (Զատիկէն 50 օրեր ետք նշուող երկու տօները տօնելու


ա. Առաջին հունձքը Տիրոջ նուիրելու Տօնը

բ. Մինա լերան վրայ Աստուծոյ տասնաբանեայ պատուիրաններուն տուչութեան):


Նկատելով որ Քրիստոսի Յարութիւնը եւ Հոգեգալուստը տեղի ունեցան Մէկշաբթի օրը, Մէկշաբթին դարձաւ Տերունի օր եւ կոչուեցաւ Կիրակի:

Յունիս ամսուան բացատրական տօնացոյց

Եշ. 2	Համբարձում
Կիր. 5	Երկրորդ Ծաղկագարդ
Կիր. 12	Հոգեգալուստ (Պենտէկոստէ)
Կիր. 19	Յիշատակ Եղիա մարգարէի, Հայրերու տօն
Բշ. 20	Յիշատակ՝ Ս. Հռիփսիմեանց Կոյսերու
Գշ. 21	Յիշատակ՝ Ս. Գայիանեանց Կոյսերու
Շբթ. 25	Ս. Գրիգոր Լուսաւորիչ (Ելն ի Վիրապ)
Կիր. 26	Տօն Կաթուղիկէ Եկեղեցոյ Ս. Էջմիածնի
Գշ. 28	Յիշատակ՝ Ս. Նունէ եւ մանէ Կոյսերու



Էջմիածնի Ս. Հռիփսիմէ Վանքը



Էջմիածնի Ս. Գայիանէ Վանքը

**Ո՞րն է ճիշդ պատասխանը
Մայիս ամսուան պատասխանները**

Մանկապարտեզի անկիւն

2, Բեթանիա, օրհնեց, բաժնուեցաւ, երկիրք, երկրպագեցին, Երուսաղէմ, զԱստուած

Նախակրթարան Ա. Բ. Գ. անկիւն

1. Նոր Կիրակի, 2. բ. Կապոյտ Կիրակի 3. ա. Արարատ լեռը բ. Նոյեան Տապանը 4. գ. Գողգոթայէն մինչեւ Չիթենեաց լեռ 5. դ. Հինգշաբթի 6. դ. Դպիրները 7. ի, մեր 8. Օրհնեալ յայտնութիւնն 9. դ. 93 10. ա. Սեր

Նախակրթարան Դ. Ե. Զ. անկիւն

1. ա. Կրկնագատիկ բ. Նոր Կիրակի 2. բ. 8 Մայիս 3. բ. Երեւուճն Ս. Խաչի 4. ա. Նոր Կիրակի, Կանաչ Կիրակի, Կարմիր

Կիրակի 5 2 6. դ. Դպիրները 7. ա. ի, մեր բ. Օրհնեալ, Յայտնութիւնն, 8. Դեկտ. 1919 9. դ. 93 10. ա. Սեր

Երկրորդականի անկիւն

1. Քրիստոսի, նոր, նախապէս, ամբողջութեամբ 2. յարեալ, մեռելոց, Օրհնեալ, Յարութիւնն 3. 351 4. Կիրեղ 5. Մայիս 28, 1918 6. Առաքեալներ, Մարգարէներ, Վարդապետներ, Հայրապետներ, Եպիսկոպոսներ, Երէցներ, Մարկաւագներ 7. Հայաստանեայց, Արիստակէս, Վրթանէս, Յուսիկ 8. 10 Օգոստոս 1920 9. դ. Կիրակի 10 ա. 10

Էջմիածին

«Էջմիածին» կը կոչուի նաեւ Ամենայն Հայոց Կաթողիկոսութեան պաշտօնական հրատարակութիւնը որ կրօնական եւ պատմաբանասիրական ամսաթերթ մըն է:

«Էջմիածնի Աւետարան» Փղոսկրեայ Աւետարան, հայ գրչութեան եւ մանրանկարչութեան ձեռագիր մատեան: Ընդօրինակուած Յովհաննէս գրիչին կողմէ 989-ին:

«Էջմիածնի Հոգեւոր Ճեմարան» Հոգեւոր բարձրագոյն գիշերօթիկ ուսումնական հաստատութիւն հիմնուած 1945 Նոյեմբեր 1-ին Գեորգ Չորեքչեանի նախաձեռնութեամբ: 1998-ին Գարեգին Ա. Ամենայն Հայոց Կաթողիկոսի կողմէ վերանուանուեր է Գեորգեան Հոգեւոր Ճեմարան:



Էջմիածնի Աւետարանին Փղոսկրեայ կազմը



Ս. Էջմիածնի Մայր Տաճար

Սուրբ Նունեն և Մանեն Հոփսիսիմեանց կոյսերու խումբէն էին, որ Դիոկղետիանոս կայսեր հալածանքներու ժամանակ թողեր էին Հռոմն ու եկեր հասեր էին Հայաստան: Մակայն այս երկու կոյսերուն Տիրոջ կողմէն նախախնամուած չէր նահատակուիլ իրենց հաւատակիցներուն հետ:

Սուրբ Մանէ

Հայաստան հասած 37 կոյսերէն զատուելով՝ Մանէն կը հեռանայ դէպի Եկեղեաց գաւառի Մեպոսի լեռը, որտեղ փակուելով քարայրի մը մէջ՝ ճգնաւոր կեանքով կ'ապրի: Այսպէս Մանէ կոյսը հրեշտակային կեանքով, աղօթքով և աստուածային միսիթարութեամբ զօրացած ապրեցաւ այդ քարայրին մէջ, որ հետագային իր անունով կոչուեցաւ «Մանէի այր»: Հետաքրքրական պատմութիւն մը կը հաղորդուի Մանէի վարքագրութեան մէջ իր կեանքի վերջին օրերու մասին: Այդ ժամանակաշրջանին Սուրբ Գրիգոր Լուսաւորիչն ալ կը կամենայ հեռանալ և իր կեանքի վերջին օրերը ապրիլ առանձնութեան մէջ: Այդ ներշնչումով Հայոց հայրապետը կու գայ Դարանաղեաց լեռներ և իբրև բնակութեան վայր կ'որոշէ Մեպոսի լեռան քարայրը, ուր կը ճգնէր Մանէն: Երբ կը մօտենայ այրին, Մանէի ձայնը կը լսուի, որ կը պատուիրէ Սուրբ Գրիգորին երեք օրէն վերադառնալ իր ընտրած քարայրի մօտ: Կատարելով սուրբի ցանկութիւնը՝ Հայրապետը կը վերադառնայ երեք օրէն և սրբուհին վախճանած գտնելով՝ սաղմոսներ ըսելով կը թաղէ զայն քարայրին մէջ (323 թ.): Մանէ և Նունէ կոյսերու յիշատակը կը տօնուի Կաթողիկէ Սուրբ Էջմիածնի տօնին յաջորդող երեքշաբթի օրը:

Սուրբ Նունէ

Նունէ կոյսը (վրացական աղբիւրներուն մէջ՝ Նինո) հայոց Տրդատ թագաւորի հալածանքներէն ազատուելով՝ կը մեկնի Վրաստան, Մծխիթա մայրաքաղաքը, ուր կը շարունակէ ապրիլ սրբակենցաղ աղօթական կեանքով և քարոզելով, որուն որպէս արդիւնք ընդհանուր ժողովուրդի դարձի պատճառ կը դառնայ: Հոչակ կը ստանայ իր գործած հրաշքներու և բարեգործութիւններու պատճառով՝ կոյսը կը տարուի արքունիք, ուր կը բժշկէ հիւանդ թագուհին, ապա, հրաժարելով բոլոր թանկարժէք նուէրներէն, կը քարոզէ Տիրոջ Աւետարանը: Միհրան թագաւորը ևս, անմիջապէս իր վրայ զգալով իրեն անձանօթ Աստուծոյ զօրութիւնը, դարձի կու գայ: Աւետարանը կը քարոզուի նաև երկրի մեծամեծերուն: Այս բոլորին որպէս արդիւնք Նունէի խորհուրդով պատուիրակութիւն կ'առաքուի Սուրբ Գրիգոր Լուսաւորչի և Տրդատ թագաւորի՝ խնդրանքով, որ հոգևորականներ ուղարկեն իրենց երկիրը մկրտութիւններ կատարելու և սպասաւորելու ժողովրդին: Այսպիսով սուրբ Նունէն կը դառնայ Վրաստանի առաքելուհին: Մանէ և Նունէ կոյսերու յիշատակը կը տօնուի Կաթողիկէ Սուրբ Էջմիածնի տօնին յաջորդող երեքշաբթի օրը:

ՄԱՇՏՈՑԻ ԱՐԶԱԳԱՆԳ ԺԸ. ՏԱՐԻ

«ՄԱՇՏՈՑԻ ԱՐԶԱԳԱՆԳ»ի
ներկայ եւ նախկին թիւերը կը գտնուին նաեւ
համացանցին վրայ
www.sourphagop.org/mashdots

Հայաստանեայց Եկեղեցւոյ
Սուրբ Յակոբ
Կիրակնօրեայ Դպրոցի
կամաւոր խմբակը

Թամար Գիզիրեան
Յասմիկ Նաճարեան
Շողիկ Նաճարեան
Յասմիկ Գանաճեան
Թորոս Պապիկեան